

保德州志

十

神道碑

明仁懷知縣 勅贈徵仕郎翰林院簡討王公神道

碑文

明懷宗朝  
大學士 黃景昉  
晉江人

兩漢人最尚經術守師說其以經明行修著聞徃徃高自  
題不樂仕宦久之跡愈遠道愈尊則有羔鴈盈階台衡  
遜席至儼然當人主賓師之禮若迺身兼數器智守一官  
老吏咸驚聳丞弗廢所著爲循良愀幅之頌又有可稱者  
是故瞽宗閭長周官旣兼識其名循吏儒林漢史亦兩傳  
其事良以才德分馳道非一致以余所聞今仁懷令王瑞  
庭先生蓋異是焉先生諱所用字乃玉世爲晉保德州人

保德州志

卷十二

藝文下

州故邊鄙代鮮望流苞塞之祥實首發自先生爰自生而  
能靈弱不好弄長年負笈屢試奉螯固已慨然有未墜在  
茲之意矣居恒歎河汾中說河津思錄並披榛理窟淬刃  
儒劓晉故土國也豈其侈河山之險徒以魚塩齒草爲辭  
爾乃寤寐笙簧崎嶇墳典借桴閔維漱泚文義徃徃撮其  
精華形諸教授圓冠方領之流東帛承筐之彥盖日就精  
問道者不可以數計已先生玉色常溫金聲屢奏恒歌  
兔首鮮撤臯北而復拯彼顛連資之婚宦學中都養至以  
下坐爲尊塞外兜鍪時亦投戈見詣會有詔徙郡國高才  
入隸辟雍先生爲一推擇行旣還自京師惠問逾流徵

書狎至杜門講誦意泊如也諸生徒頗以遲暮爲諷咸謂  
駒滯空谷匪無維繫之思雀銜講堂將有升騰之兆勸駕  
更端熟視未荅久之乃強起除蜀仁懷今地故關自播州

甫及匝歲先生曰窮通時也崇痺遇

也蠻貊可行先師詎欺我哉諸如田陌橫縱街術廣斂官  
師飲射之儀廟社塗丹之制先生咸誅茅作叢畫地成圖  
號集農商功同草昧煦濡釋嫗禮絕釣鍰居五年政化翔  
洽久之忽投劾去先生固自稱勞臣之誼急病 儒者

成規流行坎止况室亡菜婦簞有韋經頭顱可知齋塾無  
恙豈必乘生耳之車遠放諸竒肱之國哉時淑配盛孺人

保德州志

卷十二

藝文下

二

驟卒夫人孝敬勤慈稱耦德焉有子曰邵少負竒風氣適  
上先生固特用萊婦韋經爲况云歸田之後躬理舊業千  
子時過嘯吟罔間凡優游十有三載終於正寢經三日容  
色復睟觀者歎異諸生徒皆爲服乃至百里罷 千人會  
葬題碑比絹特高烏闕之封酌酒如泥通下馬陵之拜所  
謂幽人貞吉聖世美譚者乎其後邵果楊雋菽壇拜官史  
館遍裝遺像仍拭堅珉因謬以碑文見屬夫碑者所以悲  
往哲勵來茲也義兼激勸詞矢孤嚴今將躋先生於田何  
伏鄭之班使前賢有知徙倚徬徨猶以吏事非精爲愧不  
則讚先生以卓魯龔黃之業而俗吏所長薄書筐篋復以

經學寡逮爲譏惟是宣尼垂教舊傳莞爾之音卽復老氏  
崇虛不乏猶兮之畏因之刀割武城籥通函谷南方見月  
千載發其精華西域流沙一經 爲道德余愧無以表先  
生也其將表之言游尹喜之間也乎太史君勲德初隆嗣  
將有大書特書之錫焉不揣謏劣姑以佐周官漢史之所  
未詳爾矣

白靜遠神道碑銘

本朝進士巡撫 賈鳴璽

嗚呼靜遠先生旣沒之二十有二年而曲沃賈鳴璽爲書  
其墓隧之碑曰先生姓白氏諱眉靜遠其字學者稱竒觀  
先生山西保德州人也少積學有聲諸生間戊子以學使

保德州志

卷十二

藝文下

三

試第一充拔貢生辛卯考授通判明年改選沂衛經歷會  
缺裁戍戍補無錫丞庚子遷彰德府同知攝武安再攝安  
陽壬寅解組賦歸二十餘年卒於家其在無錫也鄉大夫  
秦君鉞嘗攜辭頌之曰不怠曰不墨曰不任察不任威曰  
不任矜不任緩曰不任德不任譽說者以爲詞煩而不殺  
文人之侈耳乃吾觀留棠集中里排殷析雷若干人謁御  
史馬而有請也其畧曰無錫故征白糧一石羨二斗四升  
計一歲實浮二千石有竒犖犖小民罹此毒痛維我縣丞  
白毅然釐剔庸活我小民我小民竊懼如白者世無而願  
鐫諸石以爲後來法馬下推官鞏某知縣黃某核覆而吾

嘗疑之惟正之供載在王制久矣何羨之云羨借耗之名者也雖然誰爲耗者則亦借耗之名者也而推其漸將耗吾民盡終歲勤動之所獲不足當稅外之稅可奈何而究其極並耗吾國縣官一旦有軍實諸大事問閭閻之蓋藏已在有司者橐中無以應矣可奈何今世之爲耗者不獨白糧爲然此其可長太息者也且先生家故貧嘗當壚以養其親其在沂高卧老屋中獨一老蒼頭侍左右而視清冽之惠水如貪泉然君子以爲難其後於武安於安陽手不名一錢歸自彰德時行李蕭蕭圖書數卷蓋其淡泊明志者素也善夫黃與鞏之核覆曰白縣丞者表表十五府

保德州志

卷十二

藝文下

四

二十五州縣中又曰圖義不圖利馬則騰諸薦剡曰佐貳中翹楚夫乃信鄉者秦之說匪侈也蓋廉吏之可爲如此或曰先生之去彰德也以安陽盜故夫盜則後先生者之責而坐先生後先生者長跪願受過以脫先生先生不許慰諭而遣之可以觀其度或曰先生嘗過木瓜園得遺金坐待其人擲之去可以觀其節或曰先生固急病者鄉人某之孤遭仇者阱陷幾殆則奮袂直其事至對簿不辭可以觀其義凡此雖丈夫之高行然於先生爲細節不足爲先生重而獨是當賦法之壞也尚有先生其人者爬搔弊竇以長養元氣而成保泰之嘉猷願不偉與故大書

俾當世得以覽觀焉按譜牒先生高祖考歲進士鳴之  
公諱珮曾祖考長公諱鳳翔祖考養礪公諱天粹考封君  
文學憲樞公諱敬簡累世以惇樸直諒聞憲樞公配賈宜  
人生先生於萬歷甲寅之十月十八日其卒也在今康熙  
壬戌二月二日享壽六十有九配張宜人繼康宜人男一  
君琳拔貢生侯銓教諭孫男六曾孫男二皆能振其家聲  
云銘曰

若稽太傅名高三唐苗裔在此蘇海韓潮白仙賀鬼文壇  
牛耳聿遊聖門載覲 帝座聲聞鵲起蒼生望殷聊試哦  
松臣心如水誰借天厨飽厥貪壑慨然已矣錫山峨峨惠

保德州志

卷十二

藝文下

五

泉湯湯人歌樂只乃倅鄴下旁攝巖城化行俗羨拂衣歸  
來露柳霜菊柴桑之里福履考終箕尾斯騎天門至止風  
清月白一夢千秋庸告惇史

墓表

王瑞庭先生暨配盛孺人墓表

明大 學士 黃道周 福建人

自東漢而降學不純師士博依講肆如市迨明興以經文射的稍稍尊其本業然自鄉塾負墻而外率蹕去不繙先生其稱先生者廣文委貌耳里居皤首無復橋大人豈道博不專抑士多通數徙難服耶以予所聞前輩有敬齋康齋諸先生皆擁臯比立里門稱大師負經逐畔恒百數十人然未嘗一日坐堂皇御百姓如桂陽晉城時雖載元纁列廊序於周程自視瞠如也予在都門見王太史邵稱其先君瑞庭先生世讀書淵源濂洛自爲諸生時輒奮然以

保德州志

卷十二

藝文下

六

斯文爲任問掇匏葉習俎豆翦蒿萊射兔首多士從者垣如堵墻猶自以爲端居束修不覩剗割之用疑拂鍾之無斷也時時爲諸弟子賑貧之理婚娶垂杖推車意色穆如又自以郡城隣塞築土可鑿也議甃以石當道難之公爲計丈尺召工徒指畫成就不爽圭黍城成敵至蕩蕩輒嘆息去世以是知公才也方是時年已四十餘始以選貢至成均籍甚都下旣歸益聚生徒絃誦不輟或問公平津侯與轅固生孰賢公曰平津侯如商賈善居積老折一售耳轅固生良農蔗 有秋吾亦農耳或勸公仕公曰曾參仕莒豈必賢於閔子及二人歿久之乃謁選嗚呼士君子讀

書過數卷慕宦如梅奔走一官動以親養藉口或守闕不歸臯魚所爲興歎也誰復湛定如先生者旣 選得蜀仁懷令仁懷故播州楊酋新雍甫年餘 服貳靡常

衆咸患之公曰患無行蠻貊者耳吾以試呂梁之水公至乃闢荆棘創學宮擇民間子可教者授經書提命之爲因俗更化去太甚分田均產囂訟乃息又值有採木之役公授工直命山左自募徐致之如湧於川亾何盛孺人卒孺人生惠而莊事姑甚孝自微時姑恒以夫人呼之初至仁懷僮媵見荒 邸署新立相顧飲涕孺人正色曰朝廷不遠爨汝輩顧薄縣令耶公旣失孺人乃益思歸移牒乞

保德州志

卷十二

藝文下

七

休者至再當事方睠倚新疆遺黎戀其樂豈相抱持至五載且遷矣卒以無輿擾畀王官去比歲餘百姓有從萬里致去思碑者世以是誦公之良也公歸益理舊業授經課士如前時又值文廟圯董師儒鼎新之士以是益競勵連茹微泰矣里居十三載絕徑郡庭時携一編坐嘯行吟或進諸弟子道古爲樂顏其齋曰于徐軒此其意於紫芝于薦奚讓乎先生諱所用字乃玉山西保德州人其先有學博竒別駕鬻皆以清惠 六世至公以子邵貴益大稱興門云公仕不過郎今壽禾躋耆而所著作甚富卒之後三日復睟諸弟子皆爲服就位如禮此自齊魯罕覯者



史氏周曰 學之替也微濂洛則昌黎師說亦爲妄作矣  
王先生起於邊郡倡儒服行修言從以區區仁懷比於桂  
陽晉城之化及於史邵砥勵侃然有先正之風非其世德  
源瀾而然乎視馬扶風戴九江綴經書行售自汰者何貽  
厥之 也聞其先兆有瓜瓞之祥視於陶鶴予素欲歷邊  
郡脩覩要塞今老矣不復能過而題其墓因爲表之使後  
之史者不以循吏駕於儒學之上

墓誌銘

姜崑麓先生墓誌銘

仇兆鰲

浙江人

吾友姜崑麓先生既歿之三年其孤 焯將於丙戌年十

保德州志

卷十二

藝文下

八

一月庚子初六日庚申葬公於西山之陽乞銘於余余不  
敏不工於碑版文字然與公爲同年友交最深知公居官  
立朝大節卓卓可觀又督學時大有造於吾浙皆宜見於  
紀載是烏可以不銘公姓姜諱櫛字仲端號崑麓上世江  
南山陽人祖諱三公洪武間以武功守禦山西遂家於官  
占籍於保德州大父諱名武天啓間武進士官都督僉事  
鎮保定流寇 汴孤軍血戰罵賊不屈而死贈廕有加考  
諱宗呂順治己亥進士授濰縣令未之任而卒夫根之茂  
者其實遂源之遠者其流長姜氏世傳忠義積功累行數  
伐而未大顯天必昌其後宜乎扶輿磅礴之氣獨鍾於公

也公少英敏讀書曉暢大義不屑屑章句爲文章出入經史有典有則戊午舉於鄉乙丑成進士好與名士遊一時文望重於都下諸公貴人爭欲與之交遂橐筆叅文幕大江南北之士悉荷品題其所甲乙纖毫畢當蓋公未仕時已有功於文教云壬申授麻城令乙亥以卓薦入爲行人丁丑擢戶垣給事中巳卯典江南試內陞鴻臚卿督浙江學政癸未擢僉憲再擢副憲甲申轉火司空隨攝少司寇事晉秩少宰蓋自壬申迄甲申十三年間以縣尹而至卿貳誠異數也時承平日久海宇乂安大寮以養望爲尊小吏束於文網脂韋腴腆苟幸無罪天子加意振刷思得

保德州志

卷十二

藝文下

九

公忠練達者以表率僚屬整飭紀綱惟公老成端慤足以當之上方將大展其用而天奪之速遽致不起嗚呼可哀也已公宰麻邑省追呼嚴保甲繕城垣興教化杜苞苴恤商旅麻人至今思之爲諫垣條奏獻替切中時弊皆奉俞旨任司空稽察錢弊無遁情蓋公之公忠練達以實心行實政所至不苟如此至於興文教作人才尤毅然以爲已任分校楚闈典試江南所得皆名宿其文迴絕流俗其視學吾浙也浙文習尚華靡公以清真高古起其衰弊振興士氣禁州邑吏凌侮諸生又訪忠臣烈士之裔而優恤獎拔之其人毅者皆已欣欣向榮卽不中選者亦皆

息愧悔而心無所怨三年中目覽手批焚膏繼晷兩浙文風翕然丕變而公之鬚髮頓自精神至此大耗矣初膺睥疾甲申遂大漸 上遣御醫調攝恩遇有殊公亦感激涕零而宿疾已成猝不見效公儀容魁傑日光如岩下電吏民見之無不懾服平居誠懇篤摯議論簡要不繁而定大事決大疑侃侃無所瞻徇其經濟擘畫確乎可見之施行易簣時神色如常蓋得之學問涵養者深矣惜乎始任司空而已病晉少宰六日而卽歿假令天假之年竟其生平之蘊蓄其所設施豈僅如是哉次年仲春曾於內殿語及故少宰 皇上猶爲之動容太息惜大才之不盡其用也

保德州志

卷十二

藝文下

十

公生於順治丁亥六月二十七日歿於康熙甲申十月二十一日享年五十八歲癸未 覃恩誥授中憲大夫待贈通議大夫元配李繼配薛先公而歿俱誥贈恭人繼配呂生子 焯幼而穎慧能讀公遺書云

銘曰姜氏受姓居淮之旁武功載纘遷於晉陽赫赫乃祖捐軀勤王保世滋大至公而昌直中方外玉質金相有文在手抵掌生香茂宰撫字垣掖風霜簡在 帝衷股肱劬所謂伊人邦家之光胡天不吊朝野失毗涕泗浪浪公之靈爽何間存亡有筆在史有祀在鄉君子之澤積厚流公亦有子繼序其皇芙蓉阡立華表鶴翔億萬斯年末

安其藏

懷遠縣知縣劉公墓誌銘

姜

櫛

本州人

康熙癸未六月余自視學兩浙歸來省先人墓適遇述菴劉公以病捐館舍余往哭之其昆仲以公歸窆有日諄諄以隧道石請余誌焉余與公居同城知公且悉其何辭公諱祖舜字充恭號述菴先世爵里遠不及考高祖宗常省祭官曾祖啓光庠生祖步階庠生中武科鄉試父三顧廩於庠娶陝西府谷縣李氏繼娶王氏是爲公母兄祖堯丙子歲貢弟承堯武生述堯廩生祖黃醫生公行二生而穎異狀貌魁梧吐音宏亮性恬靜無他嗜好讀書刻苦率以

保德州志

卷十二

藝文下

十一

堅忍成其所志十六歲受知學使錢公冠童子試食餼于庠家貧授徒自給州中知名士多所成就已酉舉於鄉壬戌計偕遂捷春官成進士未選乙丑大司寇庸齋魏先生委贄聘焉孝廉學謚魏君詞林暄享李君皆公所陶成所著有我說心統性情圖說問心錄言行錄四書集義禮記集義若干卷藏於家其在蔚州日與庸齋先生講論性命之學夜分不倦先生叙公集推公理學醇儒士林以爲知人云已巳授懷遠知縣懷遠僻疲多猺稱難治公因俗布化三年政成庚午上官檄公同考所拔慶得人公幼有腿疾雅能揖生不以病病念老母在堂決意就養癸酉以病

告歸宦况蕭然晏如也抵里杜門經營數楹聊蔽風雨所置薄田僅供饘粥日唯以濂洛閩閩諸書自娛旁及釋氏經典奧義妙旨無不窮研會通優游數年任運終老屬續之夕精明洞徹性天不亂白香山所謂外以儒行修其身釋教治其心者公其儔與公生於明崇 十六年五 二十九日午時卒於清康熙四十二年六月初一日已 享年六十二歲元配閔氏貢生宏知女男二長枚娶郭 相幼未聘女二一歸庠生王慥子王省歲一歸庠廩 廷魁以今十有一月朔葬於城西南之新阡

蓮峯聳秀黃河汪洋篤生哲人手持天章秋空一戰

保德州志

卷十二

藝文下

十二

堂傳經洪纖百川導爾滄溟策獻漢殿彈琴栽花灑灑

露芄芄桑麻 遂初白髯紅頰還彼鴻濛翛然觀化

長松 白雲在 鐫我蕪辭庸告來者

徐星聚墓表

孫嘉淦 興縣人

徐君星聚諱開第余 戌所舉進士也其先爲江南滁州人明季以戌邊來 遂家焉世積德至厥考煜公尤以孝謹聞家故貧君性穎 遇書輒能解十餘歲即辭塾躬負販以給饘粥日繆力經營夜即燃薪炬讀書十七歲補弟員益自 遂以丙 舉於鄉庚成余以大司寇總裁會而君 人 夫人 不能就學 奔走作若而發

致榮顯非所稱豪傑之士耶甲寅冬選授真隸寧津令  
寧津故多訟號稱難治君至謂百姓皆吾赤子其舞法爲  
奸皆吏役也嚴懲吏役則奸民息良民安矣於是嚴爲禁  
約擇其尤黠者重 之法不數月而頑奸屏息四境無事  
歲戊午余總制直隸以政最調永清再調東明永清爲渾  
河下流東明當金堤之衝君設法調度工固瀾安而民不  
擾及余移鎮兩湖監 郡 方欲交章薦君而君以疾力  
辭去人問之君曰人苦不知止余起寒徵三仕煩劇幸免  
無過及今不去後且欲去不得也嗚呼勇矣歸家以家務  
付諸子曰與數知舊遊或訪緇衣黃冠與相談詰歲丁

卯余告致家居君來興詣余興東南四十里有黑龍池在  
石堠山之蓮花峯下岩壑幽邃林木參天中有池清澄不  
溢君顧而樂之遂留貲屬余結茅數椽期共居其中迨落  
成之明年秋余復膺 召入都而君忽以疾告終矣夫人  
身歷艱難一旦致 不能自持即或稍自儉約必不  
能遽舍之以就閑寂君以素寒克自振拔當時遇方隆即  
自勇決蟬蛻於榮 煩囂此豈櫻心外境者耶君好讀書  
凡講 不依傍傳註惟返諸心所固有而驗諸實踐故於  
書多有獨得居常危坐一室至夜不寐怡然若有所會而  
不以告人嗚呼君之所得可知矣君生於康熙三十七年

十月初十日卯時距卒於乾隆十四年十一月二十一日  
時没年五十有二夫人張氏與君同有居山之志而不  
如願子男二長守現娶楊氏次安現娶陳氏孫男蔭功  
守現出以乾隆十五年十月十六日十葬於城東神樹茆  
之新塋是爲記

善人墓表

州牧 錢之青

人以濟人利物爲 斯之爲善人人以濟人利物爲事斯  
之爲善事顧或尊顯而德澤無間或素位而鮮食其福乃  
知善人善事夫人可爲而又不可概見也保德有閩善人  
者名緒字子昌家故貧窶棄儒貿易業漸豐其爲人寬厚

保德州志

卷十二

藝文下

續十二之一

而節儉衣粗食糲不求華腴處親族鄉黨間則孳孳以任  
卹爲已任生平無飾言無僞色爲人排難解紛必曲爲開  
導感以至誠爭無不平族姓蕃衍徭賦不均翁爲定法以  
六等行差有極貧者代爲完納曰我以卹困而急公也歲  
荒歉翁則攜餌隨杖頭錢行遊市中徧給餓者又多購絮  
衣藏於家見無衣者輒置衣道傍令其自取或假手他人  
盖不欲市好施名也他如修葺寺宇平易道塗無不踴躍  
樂輸以爲倡功成勒石讓美弗居其天性之謙退又有不  
及者晚年寄情卷帙凡地理風鑑星命諸書皆玩索有  
得尤好習靜坐功享年七十一精力不衰乃於乾隆丙子

八月二日終 一語不涉家事惟以積德訓其後人  
親族里黨聞之無不流涕至有丐者聚哭於門曰翁而沒  
吾儕無依賴矣嗚呼若翁者洵可謂善人哉余承乏保德  
考察懿行無不嘖嘖稱翁之善翁既歿將於明年某月某  
日葬於城東沙窰祖塋之傍其子介和狀其行請爲文表  
之余思彰善 惡有司事也既未及旌之於生前不可不  
表之於死後 將來得以識翁之事慕翁之爲人而濟  
利物之心乃永傳於弗替是亦所以勸也嗚呼若翁者  
可謂善人哉



文

改正聖賢章服文

見名宦

周山

仰惟 聖賢斯道攸寓師表百王教化萬世保德學宮建於陞地巍巍廟貌金碧輝麗堂堂儀象章服殊制衣裳無緣黼黻未備揆厥所由仍元宿弊朔望拜謁曷尊瞻視茲特諏吉表正更去釋菜禮行庸伸愚意敢告

祈雨祭城隍文

周山

神處幽冥之中鎮奠四境予奉朝廷之命來守一州各有職事合宜自盡鋤強扶弱興利除害使盜賊息而刁頑化田野闢而貢賦完予之職也若捍災救患福善禍淫使風

保德州志

卷十二

藝文下

十三

雨調而土地潤丑穀熟而人民育獨非神之職乎神之職若不盡予之職若不修則神不得以血食予不得以祿食有負天地生民之心有孤朝廷養民之意神與予心能安耶忍耶茲特謹備時食香緋祇告於神神其鑒於 玉帝早賜甘霖以慰民望則神之職始盡而予之心始安矣敢告

謝雨祭風雲雷雨山川社稷城隍文 周山

成湯大聖尚禱雨於桑林之野周宣賢主亦憂旱而歌雲漢之詩况 山 任守專城職司民牧顧天道之亢暘見農民之憂懼烏可坐視而翫然耶先於四月初旬籲天禱聖請

水祈神已蒙沾濡之澤未遂優渥之願或爾疆潤而此界  
焦或東鄉晴而西鄉雨少舒抱甕之勞者有之猶受灌園  
之苦者有之有時雲欲幕天而風吹散有時雨將洒地而  
風捲空<sup>山</sup>今再祈神隨有感禮始舉於清曉雨即降於黃  
昏通宵如注達旦纔晴精神是格區區之菲德何堪動植  
皆蘇蕩蕩之洪恩莫報輒陳微禮用謝無私更冀多黍多  
稌在在獲大有之年無灾無害人人樂太平之日謹謝

祈晴祭城隍文

欽奉 上命來守此州閔生民之休戚係社稷之安危心  
切憂惶職恐鰥曠照得本州春夏以來雨澤少降曾叩顙

保德州志

卷十二

藝文下

十四

乎群神蒙溥降乎 澍彝麥頗收荳黍已種茲當收成之  
期乃有淫雨之作夜焉而寐厭聽滴堦之聲朝焉而興忍  
覩衝河之浪稼穡傷於巨浸川陸變爲滄海民間之房屋  
固多坍塌官府之廨宇亦有傾頽僚窳以之嗟嘆老幼以  
之憂愁所以然者由我失牧民之職耳我若怠政奸貪治  
民酷虐寧使我躬之受譴莫貽庶民之罹灾今率官吏生  
員里老人等恭詣神祠特與神告惟冀上達 玉帝下憫  
生民移檄雨師頓收黑雲於四野傳宣曦馭隨揭紅日於  
中天少雨多晴式慰三農之望無風有日端期五穀之成  
上可以輸國稅下可以足民財是實藉神之休度幾遂

之願謹備酒穀庸伸拜獻

祈雨告社稷文

周山

惟神粒我蒸民有功有德歲或旱潦皆憑神力幹旋造化以介黍稷<sup>山</sup>守此邦荷神陰翊撫字黎民惟慮失職戰戰兢兢勿忘朝夕顧茲今年豐凶叵測自春徂夏少降雨澤麥苦萎黃地土龜拆我與尊神同受其責今我祈禱不遑寢食密雲將雨狂風吹息瞻仰昊天曷其有極炷香稽首奠神憫惻油然沛然我心感激俾歲有秋民免哀戚敢告

祈雨告風雲雷雨山川文

周山

惟神妙用 機化生五穀四月不雨風日甚酷我率吏民

保德州志

卷十二

藝文下

十五

拜叩懇篤雲合將雨滿期沾足狂風捲散我心頻蹙神豈以在人之敬有勤與情抑亦降人之殃而罔肯與福我拜匪諂我求匪瀆惟恐歲之無秋反貽神之有辱神與天道不疾而速覆手雨來翻手雲簇若得風雨時而土地沃庶幾五穀熟而人民育敬炷瓣香詣壇拜告

祈雨告晴文

周山

食爲民天稼穡維寶雨暘失時豐凶未保昔神賜雨稼將堅好今何淫雨致民愁潦我守此邦爲民祈禱仰神憫恤箋彼蒼昊頓掃頑陰日出杲杲若得豐年有黍有稻百室盈止可穀幼老邦家有光國賦輸早凡此之慶惟神能造

謝晴文

周山

霽雨連旬禾稼浸漬民恐無秋實切憂懼仰叩蒼穹隨感  
開霽日舒陽光雲歛陰翳荷神休祥受帝明賜迄用康年  
載穫多積養我農民慰我官吏茲備牲醴庸伸報祭神其  
昭昭鑒此微意

按周公祈雨文層見疊出其一片惓惓爲民苦腸具見之  
矣故悉志之

祈雨文

韓朝貢

幹旋造化燮理陰陽雨暘時若惟神降祥貢承上命來守

茲土罪惡多端不可指數宜自罹咎胡災民田旱魃爲虐

保德州志

卷十二

藝文下

十六

苦不可言三旬不雨禾黍其無伏惟神明轉禍爲福步履  
任罪表我寸忱仰祈神龍大沛甘霖

禱雨文

胡柟

惟神幹旋造化福佑生民功烈昭昭恩德種種遠者姑不  
具論柟即履任以來凡五閱春色矣三辰順序五穀豐登  
人無天札物無疵厲間有災侵輒臻康平柟與士民感而  
戴之歲時享而祀之罔敢不備罔敢不虔至柟一刑一政

尤稟仰神鑒蘄完末路罔敢不公不法以觸明威奈之何  
三冬無雪一春不雨風霾時行寒冰不解耕種甚難麥禾  
無望或柟積有愆尤干天之和耶或土若民造有臯戾來

天之怒耶然天以好生爲德神以庇人爲主必不以官之咎移於人必不以人之咎移於歲也况悔過自新聖賢所不棄豈惡人齋 終不足以祀上帝哉爲此自恕自艾北士民共修共改懇乞俯賜鑒憐早爲轉移亟返飄塵之風大沛滿犁之雨使土脉膏潤人心鼓舞帝力不虛國不虧惟在此時耳勢急望切牲醴爰陳心懇詞殷伏惟垂

啓

### 祭河神文

胡 枏

惟神忠烈昭於前代靈異顯於明時凡係水鄉皆尊神宣威覃德之區也維茲岩郡瀕彼河濱套夷一馬可到幸有

保德州志

卷十二

藝文下

十七

一水爲隔夏秋汪洋足恃冬春凜冽可 倘若滹沱冰合疇能陣出背水生靈之虔劉疆園之搖蕩如世廟時事乃所必至者爲此先期致祭合誠用禱懇乞神力幹旋常使河流活潑則洪波蕩蕩那敢妄意投鞭巨浪滔滔自將息心飲馬一方安堵固爲皇社有靈兆姓寧居實屬厥靈不爽虜騎年年弗至食血永永無替矣

### 祭先師王炳藜文

明 學 御 史  
殉 難

陳純德  
湖 廣 人

吁嗟天乎胡奪吾師之速也師一代偉人也師起家制科讀書中秘道德文章卓然名世天下人士無不仰之如景星卿雲恒以不出門下是懼已卯奉命遴士吾楚矢公矢

慎目費神勞幾盡六千牘而披之不餘荆山之泣及榜  
發一時咸慶得人而小子德與焉且顏其文曰宣公之奏  
勲懇盈楮是暗中摹索期許固已遠矣緣戒舟先不  
得偕諸弟子謁謝已而獲雋南宮蒙恩特簡按部吾師桑  
梓地竊計邇來巨寇灾荒民生岌岌惟是絕瞻徇以肅吏  
治蠲煩苛以鎮人心猶時惴惴焉恐不得當上負聖天子  
以貽門墻羞孟秋閱邊至鴈代師適養疴其間巡務竣瞻  
拜函丈匪徒執弟子禮也亦以訪政事之闕失耳吾師道  
德文章之外無他語止爲之復理前言曰頃聞靜正執持  
不不撓喜而不寐宣公之句謬附知言矣夫宣公學術

保德州志

卷十二

藝文下

十八

醇正忠讜卓騫德何敢望乃吾師一遇耳提率不越此其  
又何敢不自勉也顧小子德吾師錄楚士中一人耳其最  
而進之也乃爾使假師以年應卜金甌延攬天下士則其  
崇獎善類以光輔中興者又可勝道哉師洵一代偉人也  
夫惜也遽爲騎箕之遊吁嗟天乎胡奪吾師之速也太行  
雲黯河汾流漸哲人其萎魂夢淒而秋陽在望後晤無期  
一卮遙酌心喪孔悲直抱痛熙明股肱之夷而豈獨以哭  
吾私尚饗

祭陳烈女文

見前

劉四端

烈哉女士剛秉坤 蹇修 判六禮未成重一言於既

矢九死以無生啜其泣矣遂殞厥身凌霜肝胆化石精誠  
雲霄抗節閨閣留馨嗚呼噫嘻死孝爲子死忠爲臣茫茫  
宇宙曾幾何人子然處子扶地義而植天經鬚眉師表冠  
冕人倫皎皎晉陽之瑞皇皇聖代之琛春秋享祀用妥厥  
靈榮光太史譽永丹青 以上祭文

勉學文

周山

勉爾童子勤讀詩書先入小學親友隆師日記故事時習  
幼儀勿可驕惰勿可遊嬉勿學賭博勿蕩街衢母得囉咍  
毋得潑皮爾年漸長日月如飛雞鳴而起爲善孳孳見惡  
當避見善當趨八孝出弟行徐坐隅謙謙自處慥慥自期  
保德州志 藝文下 卷十二 十九

誠意爲貴慎勿自欺爾能盡職天必祐之俾爾作官光耀  
門閭金章紫綬衣錦褰衣若不苦學曷得如斯勉爾童子  
切切悛悛我言切實勿以爲迂

勸農文

周山

勸爾農夫生業當勤顧茲天時維暮之春農器當備農事  
當詢如何芟柞如何耕耘及時播種徂彼隰畛出作入息  
同爾比隣農業無惰家道纔殷衣食旣足禮義當循修爾  
身體孝爾二人友爾兄弟敬爾六親和睦鄉黨恤爾宗姻  
教男讀書教女織紉律令弗犯刑罰免身忻逢聖世宰爲  
良民庶得安和俗羨風淳勸爾農夫我言諄諄爾宜謹聽

以全天真

吊龜石文

王所用

龜石在山麓蹲峙亦有年相傳吃着水斗米值三錢今爾  
遭河變上瀾山徑下擁園龜石汨沒渺無踪桑田井竈幾  
多更小民處癩病爾亦被其侵昔聞龜石若爲祥斗米三  
錢在在揚不知龜石潛刑后荒沙極目總堪傷龜哉龜哉  
稱靈物爾今存亡胡未卜想來造物定於中雖欲逃之不  
可獲獨不見磨劍石昔在鬢墻岩壁立伯當武勇世稱雄  
揮戈躍武知何日又不見卧龍石昔日虬盤堂左屹於今  
活潑在泮林歲歲科科兢起蟄古今興廢亦何常世變江  
河不可量君子硜硜寧抱璞礲礲瓦礫枉奔忙吁嗟龜石  
今何得千載令人常嘆息

保德州志

卷十二

藝文下

二十

論興衰

見進士

徐開第

人情莫不欲安然而常危莫不欲盛然而常衰即太公周  
公之報政者驗之齊期年而報政周公曰何速也其後必  
有篡弑之臣魯三年而報正太公曰何遲也後必弱後日  
之齊魯果如二公言而夫子曰齊一變至於魯魯一 至  
於道始合而較其得失焉余觀天道之進退人事之短長  
大約俱準諸此蓋急功利喜誇詐太公之興適以促之爲  
之臣者祇知以功利誇詐爲事若不剝上將焉取之魯則



力不敵一小國宋偃暴興敗楚敗齊當時謂之桀宋而魯則四分公室三家秉政厭厭殆盡終後列國而始亡禮教重信義之效也是以君子去彼而取此

詩

吊古示州中學者

元肅政廉  
訪司僉事

李述祖

我行河之滸我陟山之巔  
跋涉豈殊途無勞怨獨賢  
懍懍踏崩崖惴惴臨深淵  
安危繫馬兄戈矛興目前  
投漿日之夕散懷詠涼天  
居人俯黃流高城生暮烟  
此邦實巨鎮勢與西羌連  
遶庭讀殘碑繁華憶當年  
樓傾有遺址兔爰經壞阡  
訪古念今昔永歌黍離篇

李氏三教圖

見鄉賢

李

謙

字受益

名理與空寂所趨各殊塗  
判然若冰炭詎可同器居  
胡爲生同胞異彼冠巾裾  
九原不可作存此三笑圖

保德州志

卷十二

藝文下

二十一

保德述懷

見名宦

周

山

生長四山裏出仕山東西  
命名與仕所山字不曾離  
德州與保德予仕可不媿  
天意固有在造化亦如斯  
食祿自有方順受夫奚疑  
仕所繁與簡隨治予皆宜  
德州當衝要迎送無定期  
禮或一有失蠹起謗與譏  
上人頗見愛下民無忍欺  
泣官幾三載守制還剡谿  
服闕上神京選法銓部司  
復除到保德正近陝西陲  
境土臨邊地止五里地瘠  
民更稀人多不識字五禮  
懵無知婚娶惟論財准折  
騾馬犁顧茲風景陋言及  
與嗟咨於焉用夏變欲與  
鄒魯差遵制興社學童子  
纔從師教之以小學朝夕  
習

戶編

幼儀庠生游予門講論書與詩俱知含漱趣麗澤互相資  
明年當大北月桂秋香時竚看奇男子攀折最高枝士夫  
知禮節恭敬恒自持耆老悉淳篤賓介穿深衣頗有儒者  
風日漸去澆漓爲之及三年保德其度幾惟願邊烽熄晏  
安常忘危允樂唐虞世民物咸熙熙

黃河環帶

明榆林副  
總兵曹雄  
字定遠

河源發崑崙奔流漸洪大幾折經林胡環達似襟帶滔滔  
無倚波奇觀此其最仙槎杳何許事謬心可會惟冀瞻一  
清潤及九州外

雪浪鳴雷

前人

保德州志

卷十二

藝文下

二十一

雲濤觸崩崖雷霆終日震浩浩復湯湯如鳥爭奮迅銀山  
湧中流玉壘翻冰陣濺沫龍噴珠飛花目幾瞬偉哉壯雄  
觀麗景冠三晉 以上五言古

登保德城用蔡太常

名珪元河東道肅  
政廉訪使

王思誠

天橋峽口噴黃流驚濤南遶安西樓城壞樓傾昔人去龍  
爭虎戰經幾秋聖朝疆域際天未萬國風塵清六合太平  
民物百無虞但恨年年困剋虐我來按郡歲時更千巖萬  
壑殘雪明定知來歲是豐稔雨暘時若條風清穀麥盈困  
蚕滿箔鄉社笙簧動村落我時聞之亦欣然願與斯民同  
此樂

贈保德州守王公

殷夢高字又

今之州牧古邦伯保釐元元翼天室定羌壤繡錯秦晉擁  
衛名藩控沙磧 帝曰疇咨若予州特簡先生來柱石先  
生北海之俊英家學青箱世無匹八龍三鳳皆雁行先生  
卓犖眉偏白夜郎筮仕列上考宣力巖疆更超軼蓮山簞  
翠見風裁帶冰汪洋知滅澤勞心撫字六七年茹蘗飲水  
同一日政成樂只亦遍歌公令永從時民間刻有樂只歌 民有襦袴吏不  
墨誰能枉道事上官獨坐聲名過郭伋西神有客汗漫遊  
余鄉惠山別名西神 輦下飽聽循吏績一朝鍛羽出春明得附龍門  
許通籍君家庭砌多芝蘭吟燈寒映月光碧相從剪燭話

保德州志

卷十二

藝文下

二十三

生平益聞布政多奇績竚看丹詔重下徵遍為霖雨甦蒼  
赤龔黃丙魏合一人願借長風振六翮以上七言古

按事達保德偶成

元憲府照磨 李進文字君羨

地勢連 阜河流壯郡城坡田多歇種民粒少聊生撫字

心仍重宣 已清名堂書牧愛正要贊昇平

登水寨

王 緯大梁人

走上觀音寺黃河山 分秦川人厄寇晉地稻連雲螭首

雙碑古蟬聲兩岸聞乘風襟抱爽絕勝酒酣醴

保德山

見前 局 山

昔作林濤寨今為保德城定羌亡宋號附廓大金名後瞰

黃河近前臨翠嶺平 葱 佳氣萬古屬皇明

禹廟 見前 馬上錦

禹廟空山裡黃河遠故宮墻凋餘古繪庭闋滿秋蓬  
糧石清華老龍門道路通至今橫作塹猶藉控羌戎

族人被掠逃歸 見前 王所用

日高知寇警城北望秦川匹馬臨河側驅羊入漢邊  
荒村人影亂遠陌劔氛鮮弱族偏罹患歸來淚若泉

左師陷 為副將孫謨作 前人

隣境嚴烽堠笳聲徹夜聞風旂翻雀影荒草雜龍文  
白鎧搖如月青鞮斷若雲可憐忠將殞誰復樹奇勛

保德州志 藝文下 卷十二 二十四

使旋及河 見前 王 劭

咸云天設險遂足限 有楫誰為擊亡維孰與纒廟遺  
嗟禹跡澤竭痛周黎獨有中流石千秋屹不移

轉壑飛流 見職名 蘇東柱

一灣流水活飛雨濺青天白練光如綻瓊珠碎復聯  
雲回迷斷嶼澗折散空烟不意風塵日還來洗玉泉

署中雜詠 前人

絕塞長河出孤城落日懸雲崩寒立戶霧破氣交天  
鬼火陰山外蒿林獵鼓邊殘疆餘對壘歲月草芊芊

其二

日對烟橫岫黃流不計年笳聲悲磧月草色澗澆田報種  
無安土彈弓盡大邊春犁蒿目恨空憶費刀篇

其三

烟氣交如霧河聲莽大淵獨憐戎馬後偏到雨花前  
懸山藿疇踏買酒錢唐風原儉約豈爲俗纏綿

其四

莫說從前事鬚眉尙是吾數年知夢幻中夜豈糝糊獨抱  
乾坤老誰憐意氣孤河聲摧落雨雙泪滿林胡

過石梯抵十方院

見前  
姜宗呂

險峻行行盡修途入望平苻田連水濶茅屋帶沙明野渡

保德州志

卷十二

藝文下

二十五

荒烟合山城黛色橫芳塵知暫息攬轡有餘情

釣臺漫興

見前  
陳大德

問隱來砢畔新詩吐翠巒白雲飛磻戶紅蓼點沙灘徑滑  
因朝雨衣單覺暮寒山居無箇事垂釣學偷安

其二

斗室倚青嶂堪居寄傲身雲歸山作主月上水爲隣命酒  
酌詩債求魚佐食貧莫悲生計短高卧樂天真

其三

傑閣倚巒額清幽遠俗塵醫愁詩是藥伴醉草爲茵忽  
烟霞味方知山水親食鮮常不釣隔岸問漁人

其四

幽竒收不盡剔燭尙題詩月出魚爭躍雲歸鳥自隨  
啣杯求熟睡問年解攢眉剩得閒中趣更深許夢知

避暑十方院

見前 姜 榛

炎熱難過午瀟然勝地存危峯壓古寺遠水抱荒村  
院靜東風細鳥喧野樹繁坐深幽悵愜恣意向平原

立秋前一日登高地垆山值雨 前人

漸覺秋期至登高興已萌千山藏曲折一水繞孤城  
寒雨村村急金風隱隱生長途潦倒客回首不勝情

挽王節孝

博學宏詞 特授翰林 尤 侗 字展成 州人

保德州志

卷十二

藝文下

二十六

嘗觀列女傳節孝最為難巴歷冰霜苦還 菽水歡持家

看鹿挽教子問熊丸應樹烏頭闕泉臺松柏寒 以上五言律詩

黃河天橋

金河東北路 按察轉運使 蕭 貢 咸陽

鬱鬱風雲入壯懷天潢飛下碧崔嵬兩岸偪側無十步萬

頃逡巡納一杯濺沫紛紛跳亂雹怒濤隱隱轉晴雷曾聞

電火燒魚尾會迹桃花漲水來

和中山王擴充之韻

元韻有碑在 堂右壁間

孫 期

林野霜寒秋色鮮西風行旆忽飄然休聲竟播河東郡寬  
德應同塞北川冤訟已知 舊日宿囚又喜得殘年奏書  
指曰朝天關不次登庸拜寵

勉賡嚴韵題安西樓

李堂 燕山人

山嵐過雨一番鮮何事登臨倍黯然俯視禹門深峽水遙

看修辨後橋川 俗云後河川歐陽文忠公集作後橋川 可人風月憐今夕好

客樽疊憶昔年西夏已安無箇事邊侯竚待紫泥宣

和元質安西樓韵

本州知州 王嘉言

暑氣低回野色鮮凌空欄檻迥超然東南形勢隆中土西

北風沙接巨川千里不驚銀夏俗一麾來自甲寅年昇平

無用明邊策正要吾君德化宣

大德六年春來保德贈太守王公

元憲府吏 武戢 字叔安

峻嶺重岡最盡頭孤城絕險枕黃流東遮全晉山如戟西

保德州志

卷十二

藝文下

二十七

接諸羌地似秋俗本尚純民少訟田因歇種籽多收六年

太守人難學廢事重新一一修

自興縣適保德道中

明刑部員外郎 顧天錫

道徑險阻欲消魂滿眼風塵慘晝昏兀突幾多黃土嶺蕭

條三兩白沙村危磯亂石愁罷馬老樹枯藤掛餓猿表裡

山河雖勝地萬年鴻業仰天門

前題和韵

明巡按御史 李讓

危坡陡澗嚇人魂又况邊河日已昏負月征人來野戍凌

雲宿鳥下荒村愁乘峻嶺冰朝馬憶聽深山雪夜猿大禹

神功何處是天橋南去有龍門



前題和韻

明按察司僉事 邊鏞

漠漠風沙欲斷魂，邊庭白晝類黃昏。  
人家寥落依荒土，軍戶凋零戍遠村。  
幾洞花殘閑白鹿，千峯月冷嘯元猿。  
登高翹首遙瞻望，五色雲中是禁門。

其二

前人

馬蹄踏雪暗消魂，旅食荒涼日又昏。  
古樹重重盤曲徑，黃沙漠漠繞孤村。  
朔風塞外驚飛雁，獨月簷前慘素猿。  
試問黃河何處去，韓城城下過龍門。

其三

前人

愧我無能慚斷魂，山溪茅塞自昏昏。  
廿年爲宦叨微祿，幾

保德州志

卷十二

藝文下

二十八

度觀風過古村，報國有情追汗馬。  
思鄉無計鎖心猿，白頭未遂歸寧志。  
惆悵慈幃日倚門。

天橋雪浪

見前 陳紀

立馬天橋久俯窺，黃河斷岸勢巍巍。  
北來貫串華爨地，南去分開秦晉隈。  
怒浪花飛如噴雪，驚瀾聲吼似轟雷。  
仙家縱有乘槎事，到此應知也用迴。

觀黃河

見前 徐寬 字敬夫

涉水登岡到此州，興來郭外一觀遊。  
人生宦轍渾無定，主上恩波豈易酬。  
紫石巍巍天作塹，黃河滾滾氣凌秋。  
家山萬里知何處，南望凝眸轉自憂。

祈雨有感

封丘 儒士 李大有

煩暑如焚稼若蒸使君憂旱顛蒼穹轟雷號號一時震甘  
澍淋淋四野通罹涸魚龍揚巨鬣含愁農叟轉歡容古來  
有感惟湯帝今日多歸太守功

自河曲過州時李來同毛那駭數爲邊患

明侍郎 楊璿

隰州南去定羌城觸目風烟感客情山勢迢遙通絕漢河  
流屈曲遶連營居民到處疲窮寇戍卒頻年困遠征何事  
兀戎竇車騎不教千里一塵驚

保德卽事

明兵部侍郎 楊琚

保德州志

卷十二

藝文下

二十九

山爲城郭但增陴城下黃河勝鑿池閱武有場軍旅盛沿  
邊無警吏民熙俗淳事簡官來少地冷天寒春到遲最喜  
斯民勤稼穡盡將岡隴作新菑

登水砦瞰河有感

見前 馬上錦

山立河心古寺幽登臨極目俯滄洲一川水漲瀾天塹兩  
岸波騰擁堞樓茅屋蕭蕭荒磧外桑田渺渺舊灘頭懷襄  
幸不爲魚鱉好辦租庸貢夏秋

古石龍鱗

前人

一片嶙峋鎖碧斑龍文留得傍賢閑雲生石上雄蟠處雷  
動天中幻化間苔蘚盡消浮瑞氣風塵不剝老蒼顏從來

神物多奇迹試看南陽舊卧山

帶水泛黃

見前

崔士成

林濤古寨枕黃流一線紆迴帶遠陬花岸夾城驚虎渡銀  
潢入漢問槎遊太平無待千年報潤澤何言九里休明德  
禹功應不朽令人極目思悠悠

石磴梯雲

袁宏

羊腸石磴鎖莓苔坤艮元從一氣培翠壁巉岩凌遠漢黃  
河洵湧吼晴雷半空路轉登臨苦絕頂雲收圖畫開萬里  
乾坤俱在目憑虛何必問蓬萊

轉壑飛流

前人

保德州志

卷十二

藝文下

三十

幽深曲澗自迴縈泉脉奔騰勢倒傾流去朝宗何浩瀚聽  
來入夜轉微風漱石猶鳴珮驟雨傾盆若吼鯨疑是  
子胥經過處至今怒氣不能平

觀入衛兵渡

見前

王所用

瀕河遙望古津頭入戍征夫漫泊舟渡遠沙灣人尙病艍  
高浪急馬偏愁一竿赤幟凌空渺兩岸青苗恁地蹂莫道  
遐陬民不穀年年原是爲防秋

黃李雙節

前人

綱常自古本難全姑婦何人能永肩誰謂數年新伉儷並  
完一節撫蓀荃孀闈奕世孤燈照宗祀千秋一線牽堪嘆

姜媛矢靡忒迄今猶誦栢舟篇

河變步苗都諫遊石梯樓韻

前人

納履怵登鎮朔樓驚看洪浪湧灘頭干霄古樹波中比  
舍高楹水上舟井竈翻成魚鱉藪桑田變作雁鳧洲可憐  
夾岸遭昏墊二百年來此一秋

春日遊石梯門樓

見前  
苗朝陽

山下黃河河上樓水光山色滿樓頭盈盈天塹華爨界緩  
緩人橫秦晉舟跼履穿雲凌峭壁揮樽落日暗沙洲欵閑  
誰復恢河套悵恨茫茫白草秋

過保德答馮大夫

前人

保德州志

卷十二

藝文下

三十一

人世升沉何可量此身總不負綱常醉拋詩酒乾坤老笑  
弄風雲歲月長抱甕新畦眼底綠談天舊俠夢中傷不堪  
七貴樓臺地斷送遊人天一方

懷水砦用馮亞元韻

前人

笑擬中流龜與鼉爽源有路喜相過四山色翻銀沫一  
線天光漾碧波古壘渡頭悲草木元門深處拂松蘿感懷  
不盡登臨興忍聽舟人捉棹歌

贈保德州守高公三聘

前人

畏路乾坤此識真丹崖翠壁費招尋長風翻浪黃流近直  
釣爲漁大海深劔氣橫空山色壯鶴聲嘹唳歲寒清高蹤

已卜飛霞外自是浮名一羽輕

和苗都諫遊水砦韵

明府谷  
亞元

馮夢元

孤峯水遶象靈鼉鈎引高軒幾度過峭壁巉巖堪底柱洪  
濤洶湧任風波喜看古寺棲仙鶴咲閱喬松佩女蘿盡日  
登臨渾不厭挑燈齊和紫芝歌

前題

見前

崔士成

中流誰復叱神鼉四水縱橫抱此過澎湃濤聲驚霹靂浮  
沈樹影鎖烟波忘机釣叟眠沙鷺愛寂山僧紉碧蘿人世  
蓬瀛何處是好邀明月醉笙歌

登保德城望黃河偶雨

明司理

王雲鷺

保德州志

卷十二

藝文下

三十一

倚樓寂寞意如何莞爾年華屈指過風旆暫停消旅况邊  
城不閉喜戎和雙魚可付殊方信一雨應添五月波自是  
太行隔宋國暮雲極目送長河

挽戴將軍陣亡

崇仁人

吳道南

風高虜騎踏陰山大漠塵霾暗紫閔壯士不忘溝壑死忠  
臣何必凱歌還鮮圍功績全三鎮見義心胸比二顏千載  
芳名如日顯昭昭留在史書間

戴夫人趙氏苦節

耀州人

王圖

蕭條青歲已稱嫠未恤鳴机爲子師執節既能閨範潔保  
孤尤見毋儀慈廿年扃戶甘荼苦一 終身無改移陌上

行人指華表至今雙壠頌無涯

過保德同諸君登郡署閣

塵沙倦眼自靡娑  
屐齒追隨快友過  
閣曉千崖吹雪氣  
牕晴三面眺黃河  
流雲乍吐城餘樹  
古砌深埋戰後戈  
即使流澌堪返棹  
征途無計繫蓬科

謁孔廟步李孔德韵

關中人  
宋振麟 字子振

霜流初日破前除  
翹首空堂杖履踈  
劫火何曾燒北斗  
幃壇不俟問南車  
遲回立碣寒松老  
点缀荒城古豆餘  
龍石斑斑新晉問  
倩雲呵護魯宮書

恢復府谷

有小序

山西巡撫  
東萊人  
宋統殷 字獻

保德州志

卷十二

藝文下

三十三

保德府谷一河相望雖分疆域而安危共之屬以逆氓負固以稽天誅余竣役平汾直抵保德數月不下之賊八日而復漫書之以記歲月時庚午仲秋二十六日也長河怒浪拍天開何事旌旄拂地來野色迷漫橫水陸王師震迅失風雷無端羯鼓中宵盡有脚陽春絕域回秦晉封疆緣底事可能無意出群才

其二

前人

萬里關河指顧間  
憑欄一望戍樓殘  
風迴雁影秦山曉  
霜冷旄頭晉月寒  
何事標銅銘廣莫  
要湏完壁報長安  
憂天百轉孤臣慮  
未許他人袖手看

撫軍宋公恢復府谷有詩志慶次韵 見前 王 邵

兩河相對逆濤開喜見汾陽仗鉞來賊膽落時摧若籜軍  
容赫矣疾如雷俄傳戍堞鴟音靜極目寒汀雁陣回自是  
壯猷紓帝旰敢煩停駟問遺才

其三 前 人

赭服黃巾指顧間幾回燐燹蔀廬殘聲吞野老三川蹙氣  
薄風雲一水寒豈卹窮兵傷撫字湏從掃穴奏平安鷲潛  
未是游鰲鮒正好顰眉仔細看 越月賊果復陷河曲

喜陳繼南父母編審 前 人

目擊遺黎恫若何溝中誰起白骸多福星遠賁臨陬溘朗

保德州志 卷十二 藝文下 三十四

鏡高懸炤笠簔旆首來蘇依化日鴻音戴好集丘阿十年  
生聚從茲始卧轍偕賡樂只歌

挽馬烈婦 見前 蘇東柱

皓月閨中得丈夫乾坤意氣正相扶腸枯睫赤給痴父血  
漬麻衣別老姑簾外星河驚戶動塚頭山鬼避棺呼酒漿  
灑地神靈迥痛哭紅顏勝戟鬚

前題和韵 見前 高 賢

井臼多年勉事夫忍將靈柩不親扶生悲十載無遺嗣死  
恨六旬止老姑華表歸來應有怨杜鵑飛去血頻呼我心  
時廛綱常慮吟盡騷些泪滿鬢

前題和韻

見前

姜宗呂

矢死羞云人盡夫澆風何惜一身扶茹荼苦乏懷中印仰  
藥甘愚堂上姑義激簪裾爭嘯咏悲深猿鳥亦號呼爲忠  
爲烈無殊事愧殺悠悠似戟鬚

前題

前人

抱節甘枯類折筇朱顏耻作舊時容泪傾雪浪翻星海氣  
咽長河遶翠峯香骨埋燐縈蔓草貞魂化鶴傍寒松欲知  
憑吊無窮恨靜夜烏啼間遠鐘

觀音閣寓目次関中劉石生漢客韻 前人

登臨不厭舒長眺載酒徵歌過曲堤下士使君曾夢鶴多

保德州志

卷十二

藝文下

三十五

才嘉客舊燃藜岸分秦晉中流濶峯帶樓臺夕照低望裡  
荒原餘戰壘関心雲物尙淒淒

過保德詩 有小序

古沛舉人

閻爾梅 號古土山人

往讀趙世家武靈掠地至樓煩林胡心竊壯之而不識  
其形勝康熙辛亥過保德始知其爲林胡黃河 掃城  
下隔岸皆秦之疆域去河套匪遠矣因與良思社翁踏  
雪城頭四望郊圻嘆古人不可復作也遂括其大意而  
詠之如此時十二月之初七日

大梁分野次旄頭歲暮緣邊鬢鑠遊杖履縱橫三戰國悲  
欷震動五諸侯 五車星亦晉分野 元龜倒吸龍門峽赤豹橫眠鹿



徑溝長笑因人成事者劉琨徒自老并州

其二

澹林楓樹已蕭條穴處山農帶雪樵城坐寶蓮鍾地脉河  
從神木駕天橋水魚味勝鱖鯉膾石燕紋如翡翠綃深謝  
居停勤念客綿封霜菓餽僧寮

其三

崇岡斷壑匝城根獸角崩摧半不存瘠土桑麻纔四里荒  
街瓦礫僅三門涔川劔賜劉元海冀鎮兵興賀六 抵掌  
醫間山下客邊閑往事夜深論

挽馬烈婦和韵二首

見前  
陳大德

保德州志

卷十二

藝文下

三十六

嬾陟高原學望夫夜臺長遊倩誰扶齊眉無伴應憐我同  
穴縈懷忍別姑膩骨畏邀青月影香魂慚聽綠牕呼他年  
藜 繙魚簡此日爲君斷數鬚

幻去良人獨見筇羞從粉黛覓新容自知肝北瑶池雪誰  
識魂棲紫盖峰河淚未乾驚化石秋眶欲閉厭生松燕門  
矢志何須問月冷空閨慟夜鐘

同諸子過西灘卽事

宣城縣  
庠生

沈廷璐

冉冉平沙並轡行家矮屋有書聲綠山雉堞高低見極  
浦厨烟遠近生綠樹陰濃紅葉熟黃河浪靜白鷗輕樓煩  
風景西灘好咲指歸途月正明

峻嶺飛

宣

巍峯拱秀 河東地接

氣通曉霧

寔暮

烟吐岫月朦朧

亘古朝

長空

眺罷

醉還回首 謾誇身到五雲中

挽王節孝

見前

尤侗

秋風河水雁飛賒御母年來泣鹿車受性自甘荼蓼味豕  
顏人照雪霜花吟桐百尺傳高節吊鶴雙行仰大家自是  
採薇頻結軫青山碧水浩無涯

釣臺懷舊

見前

白君琳

開山峭壁半崩

下有當年九池

歌殘天籟響南

保德州志

卷十二

藝文下

三十七

樓舞罷夜蟾輝青娥嘖

知今日

鶴飛鳴憶昔時最是

閒愁無處詰傷心偏說峴山碑

前題

前人

移家避寇關荆榛目盡烟波笑搢紳秦嶺鳥飛暄日暮燕  
山龍戰泣時屯美人黃土空招魄石馬青燐漫損神回首  
汾陽征戰後豪華今古屬何人

遙同室兄陳大九日遊釣臺

前人

聞君此日恣竒遊眼見繁華一瞬休白髮常添今古恨黃  
花不散往來愁雲中飛雁時窺戈渚畔眠鷗獨避釣盡日  
柴門無剝啄科頭風急亦何憂

前題

前人

釣魚臺下釣魚舟釣罷垂竿見古  
雀啄雕梁驚客至烏  
畫棟怪人遊會憐落帽青蛾歛  
遙憶風吹華髮愁獨有  
閉門籬畔客白衣望斷思悠悠

同州守 王澹翁遊釣臺次宋坦齋韵二首

殷夢高

聞說元龍結構竒雙旌同上九層基  
側身烏道天還小極  
目晴川水去遲此日登臨勞杖履  
當年鑄鑿費錐椎陽春  
有曲知難和敲斷吟鞭未得詩

破浪遙探古蹟竒釣魚臺迥剩荒基  
狼烟未靖千秋恨兔

保德州志

卷十二

藝文下

三十八

窟空營一死遲天險關高愁澗壑紅羅帳  
冷笑權椎

經署  
公曾

有紅羅帳裡  
一書生之句 河山錦繡原如畫  
峴首誰傳墮淚詩

和韵題州署賞心樓四景贈太守王公并宋坦齋二

首

殷夢高

逸少才高締造雄危樓突兀破層空  
簷前山色涵春翠檻  
外雲光入夏紅紫塞秋磬來枕席  
秦關冬日照屏風政成  
多暇互觴詠客至何妨醉竹筒  
傑閣憑城襟帶雄子京詞賦欲摩空  
迎人魚鳥偏多態得  
地烟花分外紅一目直窮秦與普  
四時不盡月和風登臨  
指顧逢知己其訂扁丹逐釣筒

羗署聞雁

殷夢高

何人清夜撫湘絃驚起霜禽絕可憐海外辭巢非一日衡  
陽歸路尚三千空教壯志同黃鵠漫爾哀鳴學翳蟬訴盡  
心中無限恨南來北去動經年

重陽前一日夜雨羗署獨坐

殷夢高

辭家萬里客窮邊又值淒涼暮雨天強自拈詩頻剪燭從  
人索酒笑無錢惟餘破帽羞蓬髻豈有黃花對綺筵欲夢  
鄉關竟不識擁衾心折五更前

九日偕友人觀音閣登高

首句限用坡仙詩下同

殷夢高

莫負黃花九日期荒郊策馬歷嶽巖身探天際烟霞窟目

保德州志

卷十二

藝文下

三十九

極秋深澗壑姿故國友朋時聚首

時同遊宋坦齋周元勛皆余同里

異鄉

風物慰離思憑高不用添惆悵揮涕牛山枉自痴

九日太守王公晏賞心樓賦贈

殷夢高

莫負黃花九日期樓前景物媚尊爨雲涵返照浮城

雁

帶秋聲落水涯杞菊雜陳肴並旨羶裘列坐客尤奇

時有口外

官在坐 龍山漫自誇高會不得風流似二之

澹翁王刺史招遊釣臺懷古

崇明宋履中

字坦齋

到處尋幽未出奇扁舟還向古臺基旌旗捲霧長河靜劍  
珮冲霄落日遲暮樹寒蟬憐過客秋風綠酒慰荒錐百年  
計拙空餘蹟留與傍人作挽詩

題州署賞心樓四景兼贈澹翁老先生

中聯限用春  
夏秋冬四字

王粲樓高百尺雄拓窓四面勢凌空春臨野樹穿簾綠夏  
取明霞入酒紅拂座秋容摩詰畫圍爐冬景党家風山中  
渾似陶居士退食焚香詩滿筒

登觀音殿九日次新又殷先生韻

限坡山句  
爲首語

莫負黃花九日期慈悲閣上最嶮巖雲深不辨龍蛇路僧  
老還如松鶴姿秋入東籬情更遠人分兩地話相思君才  
應有逢迎者我意棲遲亦學痴

和殷先生自遣原韻

宋履中

莫負黃花九日期一枝踈影補新籬忻逢佳節年年賞難

保德州志

卷十二

藝文下

四十

得秋光日日羈與世寡情恣野馬此生無恨寄清卮吾廬  
天地同行客對景何愁不解頤

王父臺賞心樓四景次宋坦齋先生韻

馬雲卿字兆升

特地樓臺指頤雄踈櫺四面映晴空春容入座茗烟碧夏  
日穿簾榻影紅遠矚秋雲秦嶺月近睇冬景楚江風凭欄  
一望情如画客滿樽前詩滿筒

魁樓拱北

馬雲卿

文光閃爍自天開筆點青霄月正哉一水潏迴環闕至萬  
山層疊抱空來胸中錦繡驚三峽足底風雷壯九垓翠閣  
凌雲朝紫極巍巍獨步擁才

入天門關

見前  
周山

一入天門關兩山似排戟攢峯擁翠螺峻崖立亦壁老松  
象虬龍古栢猶蜥蜴山鵲噪喳喳野禽鳴唧唧石縫凝冰  
澌路傍生荆棘馬走循獸蹄人行由鳥跡轉灣又一灣過  
磧復一磧迢迢有一舍步步躡亂石過客悉長吁行商多  
太息我生在浙江拜官來保德出入必由行顧瞻實戰愴  
自愧無長材揮毫書短什

五言排律

蓮山聳翠

殷夢高

佳氣浮河上山山翠色重分明太華頂飛下玉芙蓉

帶水泛黃

前人

保德州志

卷十二

藝文下

四十一

勢從天上落行向地中深曲折依城去山腰亦帶金

峽口天橋

前人

峽共瞿塘險銀河捲雪濤疑因牛女渡馱石駕長橋

水心底柱

前人

憶得江南好金焦水際浮茲峯差足擬終古制頽流

峻嶺飛炯

前人

百丈丹崖迥常疑野火燒誰知是正氣化作彩雲飄

溫泉騰霧

前人

玉夜滋靈氣空中素霧縈披襟思濯禊不羨古華清

龍翔遺跡

前人

何處爲霖雨空餘鱗 存飛騰還有日咫尺是龍門

燕孕奇踪

前人

簡狄吞猶剩遺踪此處留玉閔知不遠萬里看封侯

以上五言

絕句

黃河

見前

陳紀

攬轡黃河岸上行此心凜凜似持盈人能捺省恒如此何

患常行事不平

贈李野軒兄弟二首

元翰林學士

王仲謀

號秋澗

三聖元功一理同後人妄意有西東不須更剖藩籬破都在方塘論列中

保德州志

卷十二

藝文下

四十二

德積由來慶自賒三花同秀定羌家從今汨沕汾西曲三

教堂中見棣花

前題二首

元學士

陳儼

字公望

兩談儒釋一談

季三人各自賢我恨無緣識渠輩細

聽蓮榻較真傳

三人同氣不同行餘慶堂中局局新好在一門傳教處到

頭公議屬何人

上石梯子山

明知州周山子

周泮

欲上雲梯上石梯石梯上盡與雲齊天街咫尺須與到五

色祥雲惹我衣

公餘暇作

見前 王瓊

山下黃河山上城河魚肥徹廓民羸羸字應作羸又非韻可能牧

愛深於水移得肥來在此民

蓮山聳翠 見前 周山

一脈生來發五支翠微寒削玉蓮奇夕陽雨過看還好紅

閃霞光落硯池

帶水泛黃 明憲副 馮清

混混黃流震地來蜿蜒環抱亦奇哉邊城保障功尤大一

穴崑崙孰始開

水心底柱 明縣尹 張席璿

保德州志 卷十二 藝文下 四十三

一線長河峽遠岑孤縣水寨峙波心任從兩岸狂瀾倒底

柱中流自古今

古石龍鱗 見前 陳嘉蓋

有龍自可興雲雨觸石何難遍海山一自靈蹤移泮後禹

門相繼似連環

雪波鳴雷 明都察院司務 鄭如意

掀天激石雪山隕澎湃奔騰響作雷滾滾遠從天上落禹

門驚起蟄龍來

石磴梯雲 前人

疊石依山稜復稜岩堯千尺可人登舉頭霄漢無多地身



在天梯第幾層

轉壑飛漢

明按察司僉事蕭山人

來天球

出壑源淵據上游跳珠迸玉滿川流莫教只載蓮舟樂湏

灌南郊待有秋

見前

王所用

禱雨有應

瀕河斜日雨來山石磴陰陰草色斑為謝主人虔對越積

裡飛入五雲間

挽戴將軍戰歿

定興人

張棟

十萬寇邊城赴敵捐軀一羽輕死事封疆臣節在將

軍芳躅繼真卿

保德州志

卷十二

藝文下

四十四

戴夫人趙氏苦節

前人

親收戰骨付新阡茹蘗深閨二十年俯仰那堪心力竭國

風重詠栢舟篇

遊花佛寺

見前

陳大德

本來面目還誰識点染丹青竟不同色即是空空是色堪

憐枉費一番工

讀姜都督傳二首

見前

白君琳

當年專 是何人誰識將軍社稷臣萬古只應留節烈千

秋衰柳不成春

忠孝君家萃一門朱衣贏得在兒孫當年還吝千金賞不

道天心賞正繁

石梯冒雪

見前

馬雲卿

危梯凝 凍雲連六出風迴接地天  
囑咐行人須穩步如今世路不同前

題花佛寺

失名

石佛巍巍出世初由來傳誦說公輸畫工何事污顏色可恨當時面目無

以上七言絕句

署中遠眺

州牧

王秉韜

山城絕頂控嵯峨處處青霄接碧蘿  
夾岸東蟠臨府谷連峯北枕走黃河  
險分奇隘三關舊障蔽中原一葦多思義

保德州志

卷十二

藝文下

四十五

顧名知務本識司保乂竟如何

觀天橋雪浪

姜

基

州庠生

黃河入塞來其勢殊浩蕩一峽束衆流  
兩山扼其吭怒氣震千崖狂瀾飛百丈  
漩渦走雷霆倒激噴層嶂渾如萬馬奔騰驤  
不相讓又如金鼓喧淵淵悲且壯立久毛髮豎  
洶乾坤漾吾欲泛靈槎乘風破遠浪

登飛龍山寺

康聯甲

州庠生

峭峯高聳與雲磨千里煙霞觸目多古洞  
苔深斜日入石欄人暮鴉過全收城郭歸  
青靄半影山林浸碧波一幅蒲團清世界  
自無塵夢到巖阿

補遺

月夜訪新又殷先生不值對花有懷 宋履中

強欲排情漫撥弦閉門訪戴袖吟鞭剡溪月印蒼苔潤中  
散風生酒甕前剪燭懷人憐夜短製箋思雁寄籬邊途窮  
不敢詩肩聳恐惹黃花笑我顛

已丑秋客羌署有感 五言古

釣鰲海上來十載眼花白世事如碁布下手著不得羌城  
一夜秋寒署只反側年馳力不與按劍盼四塞堂堂一野  
人平生媿積德假令務絕塵敲鍾念彌勒

冰魚吟

保德州志

卷十二

藝文下

四十六

長河凍合魚在泥指脫層冰難覓一去年徭重袴無著今  
年捕急兒無質供得官家口滑脂塵封甌釜嗟懸室肥酥  
勝雪不自嘗招朋誇羨會良集醉卧堆紅繼蘭燭醒時還  
傍佳人瑟君不見敲撲聲中態萬千肉飛魂絕天應泣

句雖粗率情見於詞錄諸楮  
尾屬望仁人君子共惕焉

登峻嶺望飛煙作

袁海

攬勝停驂亂石行擁茅時見燎煙生常苗氣焰冲霄漢不  
作炎涼類世情謾道寒岩無自煥湏知竒槩寔殊平徘徊  
此地思何限別着看山隻眼睛

題節婦吳氏

袁海

纔離姆教宿霜幃至節天生苦亦甘非我渺聞驚創事從  
誰苛論有遺慙孤鸞不羨双栖燕獨雁堪羞比翼鷓吊影  
年華容易過蓮山河水永相參

吊孝廉徐夫子

袁海

涕湧雙泉淚兩霏泰山梁木失瞻依三塲未畢十年志一  
第空留千載歛風月宛然函丈在衣冠倏爾夢魂微駑駘  
迷路任岐步翹首南郊望鶴飛

留別保德父老

州牧 錢之青

定羌古邊地偏塞瀕大河山田盡磽瘠歲稔無良禾客秋  
余承乏隕霜方荐瘥黍稷半不實窮民將奈何嗷嗷走山

保德州志

卷十二

藝文下

續四十七

谷采食蒿與莪是時葛酋動大兵前提戈羽書不絕道馬  
足疲陂陀達官役王事給繹東西過芻茭弗敢累文綱戒  
細苛弛彼遏糴禁貸粟寬催科雖有調劑藥弗救膏肓疴  
五中恒在疚一歲遭輶軻今秋喜成熟年豐時亦和西師  
告平捷 帝德下息波余方引疾退藉慰心如滌河千別  
父老拜送山之阿贈我飛蓋影酌我金巨羅長吏實涼德  
媿此情意多作詩告後人加意篤撫摩上有惠愛政下有

田疇歌

詩餘

定羌春日感懷

調春雲怨

見前

殷夢高

春歸已半記故園當日蘭馨梅綻杏臉柳眉桃靨更共引  
東風撩亂新漲拖藍香塵碾綠看畫船雕輦爭挽結伴攜  
筇提壺沽酒聽黃鸝喚到今來異卿孤館但荒烟滿  
目驚砂撲面謾捲珠簾待雙燕碧冷紅銷便萋萋芳草何  
曾見地角天涯日長人倦腸斷舊時權晏

保德州志

卷十二

藝文下

四十八

歌

勸民歌

高岡鳳

勸爾民孝父母三年養育心最苦不孝何如鴉反哺  
勸爾民和兄弟父母生來本一氣同氣不和非人類  
勸爾民勿好酒貪酒之人最可醜破家傷生不如狗  
勸爾民勿刁頑大事小事莫告官會打官詞也使錢  
勸爾民勿奸頑秋糧夏稅早完官官差不來雞犬安  
勸爾民勿爲盜盜賊之人天必報家破身亡鄉里笑  
勸爾民勿賭博輸贏未定終是錯立見此輩家瀟索  
勸爾民勿好鬪傷人抵命天天壽總有皇恩也難宥

保德州志

卷十二

藝文下

四十九

勸爾民睦鄉里富莫欺人勢莫倚愛老憐貧卽君子  
勸爾民勿流亡棄祖離宗情可傷生作逃民葬他鄉  
勸爾民勤耕鑿莫飲酒莫賭博毋以富吞貧毋以強凌弱  
年年兩稅早完官卒隸不來滋敲朴事父母以孝教子弟  
以學和以睦鄉里忍以息爭奪莫跳井以自溺莫懸梁而  
自縛一朝之忿亡其身數口之家何所托人子於親喪有  
無隨厚薄所當盡其心衣衾與棺槨無使土侵膚便是安  
樂國孝弟通神明俯仰無愧怍過此復何言太平有真樂

懷舊三歌併序 萬歷壬子春蜀仁懷令王所用書於  
慎思軒

余方垂髻獲友於馬崔李三伯子馬長余七齡崔於余

次之李又次之始締三益之交既聯一姓之好敷衽論  
心翩翩然有以各得也歲癸巳余應制上春官甲午庚  
子崔與李相繼登賢書而馬於戊戌次且移牒入成均  
甲辰崔乃登楊守勤榜出身尋丁內外艱丁未夏余膺  
百里之命入蜀南郊祖餞含淚而別不兩稔間馬伯子  
之變今爲感然刺心不啻傷故知且哀余仲任之失瞻  
也旋一襖李伯子客易水矣又一襖崔伯子稱上古矣  
嗟乎傷哉哲人淪亡何天奪之速哉計閱世之筭馬得  
知命之二崔得不惑之九李得不惑之三余聞而哭之  
慟不安枕帖廣者月餘因揮淚而作懷舊之三歌

保德州志

卷十二

藝文下

五十

其一

馬諱上錦字在中別號星河

維彼良駟產自神滄房星列於華厩上襄介乎天駟飛黃  
追軒后之乘赤文拓后唐之家鳴八鸞於交衝過五都而  
登踏方其嬰耳植髮逸倫絕塵馳驅迅於滅沒驍騰捷於  
超群或汗溝而走血或跳澗而凌空或垂韉而報主或啣  
枚而奏功伯樂見而心敬九方仰而推崇跨中州之駿迹  
軼神陸之豪踪跣踵者望之惕息敗轅者見之魂驚宜其  
倪影高鳴昂首通都出護警蹕入服金組載清皇路允張  
我武歷燕臺而市駿奏華鼓以驤猷胡爲乎駢首伏櫪泛  
駕九秋雲錦黯黹而無光中黃虺隤而鮮儔彼驚騎兮且

顛蹶若跛蹙兮咸 謔抑孰知夫齧蹠者之善走而亦難  
爲人悅余將長馬之長兮而今已矣余將白馬之白兮而  
不可復識心哀哀兮其何以自適

其二

維彼南山何巍巍兮維此西漢何瀾瀾兮既面之而可陟  
復臨之而可挹曩濯濯而枯林時委翳而低徊亦涓涓而  
始流且浙瀝以霏微斧斤入焉而日削牛羊牧焉而日蹙  
旣礪确於踳躒或茅塞於山廓挹注難以濬導泉竭何以  
自澤忽陰雨之漫衍將淤塞乎沙漠嘗峙焉而栽植輒壘  
土而爲基間窮源以溯流亦尋派而指歸伊摧高而爲平

保德州志

卷十二

藝文下

五十一

咸俯首而低眉憶水源而思本乃心曠而神怡一旦雲興  
陶蒸上與天高洵洵不絕流爲江河薈兮蔚兮南山來朝  
日新又新湯盤沫膏鄧林之木不種而扶搖鬻沸之泉無  
源而興濤或排山而就下或搏躍而過顛感人情之嶮巖  
嘆山川之消長宜其高高兮上據無極之巔淵淵兮下泓  
不測之漭胡爲乎泰山頽兮梁木傾原泉涸兮奚所溉念  
彼土壤一簣之塊惟彼細流一勺之派夫誰讓而誰擇又  
何廣而何隘心哀哀兮其何以自泰

其三

維彼御園果珍玉皇郁郁離離含 吐芳綻玉舒金噴素



飄黃並櫻蕓以呈美軼蟠菴而爭香承甘露以結葢凝芳  
潤以生漿或沔椒塗或布蘅薄衆靈雜還命儔訢合嘆匏  
瓜之無匹咏標梅之擗落爾獨蔭屋穿林長楊映沼不言  
成蹊翫鬱敷好張公進大谷之梨周文獻弱枝之棗梁侯  
來烏裊之柿房陵集朱仲之姣三桃列櫻胡之別二柰曜  
丹白之藻石榴蒲菴之珍磊落蔓衍乎在茆檜杏郁棣之  
屬繁縈萃聚乎在表宜其人公門奏金闕琳琳琅煌煌  
爍爍玉露含香向陽生節何乃棄於井上過半垂屑木葉  
拜而隕枝風蕭瑟而霰雪於陵仲子抱匡廬而哽咽環堵  
妻撫孤帷而慘切堂帟戢景筮篔駘腔甜菴倏而作苦

保德州志

卷十二

藝文下

五十一

長筵胡由進觴余方興慨於碩菓奚復得御以同堂心哀  
哀兮其何以不忘

其亂曰悲夫星歷次以拱辰河歷水以成渡山積佳而新  
巋潢衍水而啟胄慨何人之履泰又何斯之初度世閱人  
而常賒人閱世而行暮人何世之能常世何人之能舊吾  
將順天地之大德優游以任造化之大數

勸民正俗歌

見職名

高起鳳

孝順父母

欲把親恩數一迴天高地厚一般推搃能數盡青絲髮只  
有親恩數不來

思大如天不可當請君終日自思量若還不信親 大  
是如何痛令郎

尊敬長上

騎馬如逢長上來莫粧不見把頭歪滾鞍下馬旁邊

方纔上馬回

氣雄心不肯休好言相勸反成讐如今尊長包容 自  
府佐人在後頭

和睦鄉里

富足人家你不知手中也有斷銀時莫因緩急難相  
與親朋友面皮

保德州志

卷十二

藝文下

五十三

鄉一見故鄉人喜地歡天分外親友在鄉邦如陌路不  
知他是什麼心

教訓子孫

萬戶千門各有途子孫資質有賢愚耕田未必無收穫什  
只勞勞靠讀

若定要子 名砍下黃荆五六根前後書房都 列  
教 度

各安生理

不 說 我無田挑水何曾不賺錢就是篋頭修脚者也  
能積欵過時年

富貴窮通有命存自從生下到如今若教奸巧能求富  
上良民盡嗑風

毋作非爲

到 奔忙走不休一腔肝膽大如牛如何起滅都憑你只  
恐 來不自由

酒肉賔 擺擺開杲然鬨動半邊街試看那夥兄和弟犯  
法誰 肯救來

兄弟

並蒂連根生下來如何分別有形骸要知打虎湏兄弟  
爲錢財拆散開

保德州志

卷十二

藝文下

五十四

婦道

誰家媳婦大如天不受公婆半句言你不敬婆誰敬你不  
宜做與後人看

妻道

入得夫門上下分翁姑當孝敬夫君三從四德牢湏記內  
助還宜儉又勤

妯娌

開姊妹到婆邊妯娌雙雙做一團就是同胞親姊妹豈  
宜分作外人看

婢僕

走到前房說後房 來撇去嘴嗆嗆不知他是何緣故  
得人家是醬

賦

雨賦

馬上錦

惟茲滂沱之澤實爲 冥之精蓄畚望而成實重穆待以  
敷榮鬢鬣萋祁不崇朝而流遍紬緼霖霖將樂歲以登亨  
故湏三日一降斯能百室有盈頃者蜚蠊作厲神魃爲虐  
金石流火溝澮皆涸朱明熾焰以炎炎禊泰潛形而濯濯  
於是赴桑林之野號雲漢之章履靈星之壇祝羽山之祊  
以祀以享修敕修禳俄而同雲合狂霾伏曜靈收月離畢  
初淅瀝以空濛忽湊騰而淋漓過深林兮濯枝溜虛擔兮  
洛矗驟睹之灑灑乎若濤珠浪滴之灑長空徐觀之颯颯

保德州志

卷十二

藝文下

五十六

乎若玉屑璫花之飛大麓爾其澤潤九埏液津三徑經阡  
陌而破塊無聲越林巒而淋鈴相應或淹東山之歸程或  
阻采薇之戍聘天棘颺以如絲葉珠垂而生靚疾而黯徐  
而淡烟光與水氣浮沉遠而濛近而濃樹色共山容寂靜  
其盛也一泄如注萬壑爭流旣瀾漫於平野亦洸洋於山  
坵漲源頭之活水鎖雲中之高樓石鯨吼而轟轟商羊舞  
而颼颼渺不分乎雲泥恍不辨乎岩洲則見百獸潛形萬  
鳥投林添金谷梁園之翠洗邯鄲卽墨之塵四望暝兮無  
迹萬象倏兮更新聽轆轤之罷響知桔槔之停浸楹礎潤  
而滑滑喜亭名而欣欣慶菴觀乎有秋無缺望於三春九

賦胥克夫天府八口共飽乎編氓羨哉利也既優既渥  
霑既足豁焉晴霽雲開日出憑高視之萬靈沃沃

九日登高賦

王邵

繫龍沙之澄景撰鳳嶺之清遊凌罡風而振袂御灑氣以  
經神軒軒兮霞舉思浩浩兮雲流仰穹之晶碧撫黃  
輿之嶽崎景無羨而不集物無觸而不奇於是桂樹詞人  
蓬山仙步挂四愁於巘岼錫十賚於澗谷羅萬象以盪胸  
極九鴻而縱日爾乃霜滿煙乎巒紫波清臯禽流響候鳥  
悽聲楓搖丹而似醉柳怯露以如醒畫角吹長榆之塞錦  
機縈碎葉之城紈扇却兮蕙萎長門靜兮苔生黃金盡兮

保德州志

卷十二

藝文下

五十七

西旅玉顏去兮北庭於斯時也起沕寥之幽感動惻切之  
閒情若夫飛駿睇以遐矚蕩遠眸以曠覽透空濛而舒眺  
紛垣野而可判則有雄都傑麗佳氣鬱葱雲浮鳩鵲月射  
盧龍結客標華陽之館談天峙碣石之宮爽氣朝來兮笏  
堪拄靈文扃闕兮石尚封攬榮光於河濟賔旭色於燭龍  
於斯時也興憑吊之遠想發逸宕之雄風別見堪崑崇闕  
棧室懸磯星壇斗域紺殿岬繡錯林立詭異參差食聖  
神之功德委黔庶之膏脂空侈長房之術誰贖韋綬之詞  
於斯時也思參軍之肆傲師太傅之陳規既而廣莫揚沙  
斷山啣口卉木風摧川原霧織慄慄兮游屐之高寒恂恂

兮帝座之呼吸遂乃窮幽竒於烏道寄翛散於虹梁含  
納翠咀陰吐陽捫星躡漢步霄軼塊招汗漫於九垓曼獨  
立乎太虛之上嗟色界之陜促嘆流光之蒼莽耳目移而  
起越形氣化而空朗等萬仞於一拳擬咫尺夫崑閬命蓐  
收而導之驂金飈以孤往信溷濁之堪遺何坌茸之足網

麟賦

劉祖舜

皇帝龍飛二十四年孟冬時傳蔚州屬邑廣靈之劉樂  
產麟舜館于蔚州甫三月侍側寒松堂大司寇公就  
而視之真麟也爰作賦以誌瑞其辭曰皇初肇象品  
物咸亨聖帝繼統庶彙蕃榮是以循蜚䟽乞之世爰  
有龍師鳥紀之名河擁神馬卦爻出洛顯靈龜 範  
呈莫不人享康樂天挺奇英虞帝封濬十二和召  
獸而民式阜成周家世年八百慶兆白鯉而基奠  
清 上宵衣旰食禮備樂明驅封豕戢社黜斷  
齒截長鯨並口月銷甲兵配天地致昇平廣風教

保德州志

卷十二

藝文下

五十九

昭義問霈仁聲海波不揚隴畝無驚是宜聽阿  
閣之巢鳴畜四靈以爲 者也於是祥雲捧日重  
輸誠遂有閔 之應涵育仁厚之麟爾乃紅絲炎炎  
碧甲鱗鱗廣額直耳玉趾朱唇拂綠毫于牛尾裂錦  
片於麕身隱角端之高肉異天馬之絕塵爲三百六  
十毛蟲之長來上元甲子 運之 重占繡紱之  
再吐水 之神髣髴成康之郊藪而隱現依稀軒  
之苑囿而逡巡在孕而雷轟霧起甫生而月朗霞蒸  
于時遠峰增翠深谷逢春光浮冀野清映壺 冬草  
紫塞風醇童叟皆喜遠邇 憐其不乳



君子見其可親雖未擇土而踐位平而處步中規分  
行中矩居不羣兮行不鳴口游聖與歸昌音中黃  
鍾並大呂自當龜龍鸞鳳而同儔抑豈虎豹麋鹿之  
可侶若夫考循良之治功詢延陵之士女羨一介之  
冰心頌萬民之慈母偉烈雄騰浩氣遐舉因而採風  
靜塵沙之擾榮觀來堵墻之奇撫摩者曰昭昭之  
歌咏者曰誦誦之詩遂駢言而作賦或集字以成辭  
覩雲中之佳氣瞻大造之垂儀辨頂上之錦字展  
文之在茲所以葩經十五國風以歌于始春秋二  
四十二年以紀于終今且禧開北嶽景兆九宮祝

皇朝之德政仰 天子之睿聰其真孔邇之化洽乃躋

熙之郅隆事嗣徽音於典冊道契太始于鴻濛

聖主當陽萬國朝宗文德武功並重千古故年穀順成黎

民安樂邊隅僻壤遂產祥麟 國之瑞也地之靈也

官此一方者之福也述菴在蔚作賦紀之爲此麟

生面矣

寒松老人識

